

## GENUS XXX. CYCAS PALMÆ.

Char. Gener. Masc. *Amentum* strobiliforme: *squamis* subus undique  
 rectis polline.

Fem. *Spadix* ensiformis: *germinibus* angulo immixtis,  
 solitariis. *Stylus* 1. *Drupa* nucleo ligneo. Lin. sy.  
 pl. G. 1285.

† Sp. 1. CYCAS INERMIS. a Cay San tue. B. . . .

Differ. spec. Cyc. *frondibus* pinnatis: *stipitibus* inermibus.

Hab., & notæ. Palma *caule* 5-pedali, simplicissimo, femur crasso,  
 scabro: fusco. *Fronde*s pinnatæ, 5 pedes longæ, ascendentes: *sti-*  
*pitibus* inermibus, sub teretibus: *foliis* linearilanceolatis, 6-pol-  
 licaribus, glabris, obscure-viridibus, planiusculis, oppositis, sessili-  
 bus. *Flos* Dioicus: *Masculus* spathâ nullâ: *spadice* terminali, so-  
 litario, erecto, ovali-oblongo, diametro 4-pollicari, strobiliformi,  
 fusco-luteo, imbricato, sub-clauso: *squamis* oblongo-turbinatis,  
 crassis, fungosis, staminiferis. *Filamenta* nulla, sicut nec perian-  
 thium, aut corolla. *Antheræ* pluresquam 100 in qualibet squamâ,  
 sparsæ, globosæ, semini Raphani æquales, apice deliscentes. *Pistil-*  
*lum* nullum. *Femineus* flos in aliâ planta: *spadicibus* variis, li-  
 nearibus, reflexis, paucifloris, sub-terminalibus, simplicibus, bractea  
 laciniatâ terminatis. *Corolla*, & *Calyx* nulli. *Germen* ovatum *Sti-*  
*gma* simplex. *Drupa* sesquipollicaris, ovata, sub-compressa, lavis,  
 rufa: *nuce* lignosâ ejusdem formæ: *nucleo* simplici.

Habitat agrestis, cultaque ob pulchritudinem in Cochinchinâ, & Chi-  
 nâ.

Cycas Circinalis. Jacq. Ac. Helvet. tom. 8. pag. 59. tab. 2. Cycas re-  
 voluta. Thunb. Jap. pag. 229. Olus Calapoides. Rumph. Amb. l.  
 1. cap. 20. tab. 20, 21, 22, 23, 24. Quamvis figuræ Rumphia-  
 næ aliquantulum differant, sicut etiam descriptiones Jacquini, &  
 Thunbergii, puto pro diversis speciebus non habendas: nec etiam  
 nostram, licet semper inermem invenerim, in quo ab illis disti-  
 det. Ramosam nunquam vidi, nec Monoicam.

Ufus cibus in Cochinchinâ nullus. Tunkini incolæ mihi retulerunt  
 in suâ patriâ fieri panem *Sagu* sat bonum ex trunco hujus palmæ.